

# Službeni glasnik BiH, broj 83/20

Na osnovu člana 6. stav (3) Zakona o osnovama sigurnosti prometa na cestama ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17, 89/17 i 9/18), ministar komunikacija i prometa, u saradnji sa tijelom nadležnim za unutrašnje poslove, donosi

## PRAVILNIK

### O IZMJENAMA I DOPUNAMA PRAVILNIKA O CERTIFICIRANJU VOZILA I UVJETIMA KOJE ORGANIZACIJE ZA CERTIFICIRANJE VOZILA MORAJU ISPUNITI

#### Član 1.

U Pravilniku o certificiranju vozila i uvjetima koje organizacije za certificiranje vozila moraju ispuniti ("Službeni glasnik BiH", br. 41/08, 89/11 i 6/12) u članu 1. stav (2) se briše.

#### Član 2.

(1) U članu 4. u stavu (1) tačka l) mijenja se i glasi:

"l) uspostavljanje, održavanje i nadogradnja baze podataka za certificirana vozila i informatičko umrežavanje svih subjekata koji učestvuju u postupku certificiranja, omogućavanje prosljeđivanja svih podataka nastalih u postupku certificiranja i dostavljanje istih stručnim institucijama za tehničke preglede, kao i osiguravanje sigurnosti podataka i informacionog sistema u cjelini;"

(2) U stavu (1) tačka p) mijenja se i glasi:

"p) izdavanje i vođenje evidencije o izdatim certifikatima;

U istom stavu iza tačke p) dodaje se nova tačka r) koja glasi:

"r) da posjeduje stručnu literaturu neophodnu za obavljanje djelatnosti iz člana 4. ovog pravilnika."

(3) U stavu (1) iza tačke p) dodaju se nove tač. r), s), t), u) i v) koje glase:

"r) rad na drugim poslovima iz oblasti certificiranja cestovnih vozila i dijelova koji doprinose kvalitetnijem i brzom provođenju postupka certificiranja;

s) povezivanje i koordiniranje usklađenosti propisa i postupak provođenja certificiranja i homologacije cestovnih vozila i njihovih sklopova i dijelova;

t) održavanje i redovno ažuriranje portala certifikacija.gov.ba;

u) u roku koji odredi Ministarstvo, predlaganje minimalnih vremenskih normativa za provođenje poslova certificiranja za svaku kategoriju vozila;

v) obavljanje i drugih stručnih i administrativnih poslova iz oblasti certifikacije po nalogu Ministarstva."

(4) Iza stava (1) dodaje se novi stav (2) koji glasi:

"(2) Organizacija koja obavlja administrativne i tehničke poslove dužna je osigurati obavljanje poslova iz stava (1) ovog člana na teritoriji Bosne i Hercegovine uvažavajući ustavnu organizaciju i teritorijalnu strukturu."

### **Član 3.**

(1) U članu 7. u stavu (2), tačka b) mijenja se i glasi:

"b) da u registriranoj djelatnosti ima poslove: izdavanja časopisa i periodičnih publikacija, obrade podataka, usluge hostinga i djelatnosti povezane s njima, inženjerske djelatnosti i s njima povezano tehničko savjetovanje, tehničkog ispitivanja i analiza i ostalo obrazovanje;"

(2) U stavu (2) tačka c) mijenja se i glasi:

"c) da ima zaposlene kadrove osposobljene za obavljanje administrativnih poslova od kojih, u pogledu stručne spreme, moraju biti zastupljeni diplomirani inženjeri mašinstva, prometa, elektrotehnike i informatike ili ekvivalent sa najmanje 240 ECTS."

(3) U stavu (2) iza tačke h) dodaju se nove tač. i), j), k), l), m), n), o) i p) koje glase:

"i) da ima razvijeno informatičko rješenje, njegovo uspostavljanje i održavanje, u skladu sa odredbama propisa kojima se uređuje oblast homologacije, sa garancijom perioda uspostavljanja njegove potpune funkcionalnosti;

j) da nije u sukobu interesa, odnosno da ne posjeduje rješenje za ispitno tijelo;

k) da se prema svim ispitnim tijelima odnosi na jednak i nediskriminacijski način;

l) da ima uspostavljene sljedeće certificirane sisteme upravljanja, odnosno standarde: ISO 9001, ISO 27001, ISO 14001 i ISO 22301 koji se odnose na poslove provjere homologacijske usklađenosti vozila, njihovih dijelova uređaja i opreme;

m) da ima pozitivan poslovni rezultat u posljednje tri finansijske godine ili od dana registracije, odnosno početka poslovanja;

n) da ima razvijen projekt uspostavljanja, održavanja, nadogradnje, analize i kvaliteta rada postupka certificiranja sa garancijom perioda uspostavljanja njegove potpune funkcionalnosti;

o) da nije pod stečajem ili da nije predmet stečajnog postupka;

p) da nema dospjelih a neizmirenih obaveza po osnovu direktnih i indirektnih poreza."

#### **Član 4.**

#### **Član 8. mijenja se i glasi:**

"Član 8.

(Stručna osposobljenost za obavljanje tehničkih poslova)

(1) Zaposlenici ispitnog tijela koji obavljaju tehničke poslove dužni su položiti stručni ispit prema programu za osposobljavanje za poslove provođenja postupka certifikacije vozila.

(2) Program iz stava (1) ovog člana, na prijedlog administrativnog tijela, donosi Ministarstvo te imenuje komisiju za polaganje stručnog ispita.

(3) Administrativno tijelo o položenom stručnom ispitu izdaje certifikat te Ministarstvu dostavlja pripremljen prijedlog za izdavanje licence.

(4) Zaposlenici iz stava (1) ovog člana podliježu provjeri stručnosti svake dvije godine, a nakon uspješno završene provjere stručnosti administrativno tijelo izdaje certifikat.

(5) Zaposlenici iz stava (1) ovog člana dužni su u slučaju kontrole iz člana 10. stav (2) ovog pravilnika kod sebe imati i dati na uvid licencu iz stava (3) ovog člana, kao i certifikat iz stava (4) ovog člana koji nije stariji od dvije godine.

(6) Ukoliko administrativno tijelo prilikom kontrole utvrdi težu povredu službene dužnosti (postupanje suprotno odredbama Pravilnika u obavljanju poslova certifikacije, prilikom vršenja postupka certifikacije, unošenje netačnih podataka u bazu i sl.), dužno je o tome sačiniti izvještaj i dostaviti ga Ministarstvu koje će rješenjem privremeno oduzeti licencu i zaposlenika uputiti na vanrednu provjeru stručnosti."

#### **Član 5.**

U članu 9. iza stava (2) dodaju se novi st. (3) i (4) koji glase:

"(3) Javni konkurs iz stava (1) ovog člana sadrži kriterije za bodovanje i popis potrebne dokumentacije kojom se dokazuje ispunjavanje uvjeta iz člana 7. ovog pravilnika.

(4) Ministarstvo, nakon okončanog javnog konkursa, zaključuje ugovor s organizacijom koja je

izabrana za obavljanje administrativnih poslova iz oblasti certificiranja na period od deset godina.".

#### **Član 6.**

(1) U članu 10. stav (4) mijenja se i glasi:

"(4) Organizaciji određenoj za administrativne poslove raskinut će se ugovor ukoliko:

- a) prestane ispunjavati bilo koji od propisanih uvjeta na osnovu kojih je zaključen ugovor;
- b) poslove iz člana 4. ovog pravilnika ne obavlja stručno i pravovremeno;
- c) ne postupi po nalogu o otklanjanju nepravilnosti i ne otkloni ih u zadatom roku.

(2) U istom članu iza stava (5) dodaje se novi stav (6) koji glasi:

"(6) U slučaju iz stava (4) ovog člana organizacija određena za administrativne poslove je dužna, bez odlaganja, ustupiti Ministarstvu svu dokumentaciju nastalu provođenjem administrativnih poslova u štampanom i odgovarajućem elektronskom formatu.".

#### **Član 7.**

U članu 14. iza stava (1) dodaje se novi stav (2) koji glasi:

"(2) Vijeće ministara Bosne i Hercegovine, na prijedlog Ministarstva, propisuje administrativnu taksu koja se plaća u postupku certifikacije.".

#### **Član 8.**

U članu 22. u stavu (1) tač. a), b), c) i d) mijenjaju se i glase:

"a) vrši obradu podataka i izradu analiza najmanje četiri puta godišnje sa prijedlozima za poboljšanje stanja i o tome izvještava Ministarstvo;

b) objedinjuje sve podatke o certificiranju u informatičkom obliku i čuva ih 10 godina;

c) dostavlja Ministarstvu izvještaje, podatke i dokumente od značaja za vršenje nadzora;

d) podnosi godišnji izvještaj o radu i obavljenim poslovima za prethodnu godinu, najkasnije do 1. marta naredne godine.".

## Član 9.

U članu 23. u stavu (1), iza tačke c) dodaje se nova tačka d) koja glasi:

"d) Uputstvo o ispitivanju vozila čiji su sklopovi oštećeni u prometnoj nezgodi".

## Član 10.

(1) Ministarstvo će u roku od tri mjeseca od dana stupanja na snagu ovog pravilnika uskladiti uputstva iz člana 23. ovog pravilnika i donijeti Uputstvo o ispitivanju vozila čiji su sklopovi oštećeni u prometnoj nezgodi.

(2) Ispitno tijelo koje na dan stupanja na snagu ovog pravilnika posjeduje važeće odobrenje za rad nastavlja rad u skladu sa izdatim odobrenjem.

## Član 11.

Ovaj pravilnik stupa na snagu osmog dana od dana objave u "Službenom glasniku BiH".

Broj 01-02-2-3183/20  
18. decembra 2020. godine  
Sarajevo

Ministar  
Dr. **Vojin Mitrović**, s. r.

# Službeni glasnik BiH, broj 85/20

Nakon izvršenog sravnjivanja sa izvornim tekstom, utvrđeno je da se u Pravilniku o izmjenama i dopunama Pravilnika o certificiranju vozila i uvjetima koje organizacije za certificiranje vozila moraju ispuniti ("Službeni glasnik BiH", broj 83/20), koji je objavljen na srpskom, hrvatskom i bosanskom jeziku, potkrala tehnička greška te u skladu s članom 55. Jedinostvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14 i 50/17), ministar komunikacija i prometa Bosne i Hercegovine, daje sljedeću

## ISPRAVKU

### PRAVILNIKA O IZMJENAMA I DOPUNAMA PRAVILNIKA O CERTIFICIRANJU VOZILA I UVJETIMA KOJE ORGANIZACIJE ZA CERTIFICIRANJE VOZILA MORAJU ISPUNITI

U Pravilniku o izmjenama i dopunama Pravilnika o certificiranju vozila i uvjetima koje organizacije za certificiranje vozila moraju ispuniti ("Službeni glasnik BiH", broj 83/20, u daljnjem tekstu: Pravilnik), u članu 2. stav (3) umjesto riječi:

"(3) U stavu (1) iza tačke p) dodaju se nove tač. r), s), t), u) i v) koje glase:" treba stajati:

"(3) U stavu (1) iza nove tačke r) dodaju se nove tač. s), t), u), v) i z) koje glase:".

U članu 3. stav (3) tačka i) Pravilnika umjesto riječi: "homologacije", treba da stoji: "certifikacije".

U članu 3. stav (3) tačka l) Pravilnika umjesto riječi: "homologacijske", treba da stoji: "certifikacijske".

Broj 01-02-2-3183-2/20  
29. decembra 2020. godine  
Sarajevo

Ministr  
Dr. **Vojin Mitrović**, s. r.